

E6 O Marimasko Vitjazo



O Aleksandr Baurov anklisto kata jek ašundi řusicko řomengî familija. Ande leski familija arakhadile but artistur, muzičarja taj djilabajitorja. O Aleksandr djilabelas pe gitara ande 'k muzikaki grupa, paša kodja gêtosardja vo ando Leningrado peskê studije pala elektromexanično komunikacija. Pe vrjama kata o dujto ljumako marimos sas vov komandanto ande loli armija pala komunikacijako ažutimos taj palal sas vov vi komandanto ande aeronautičko divizija. Pala o marimos kêrdilo o Aleksandr Baurov – akana sar baro ašundo marimasko vitjazo – membro kata sovjeticko inžinerosko koro, savo sas responsiblo pala plano taj pala štarto kata l' anglune sovjetoskê rakete.

1940

1981

1960-70

💡 Žanglen tumen

...kê le Řomengî populacija ande Řusija sas desja bari; o angluno řomano teatro o „Teatr Romén“ formirisajlo 1931 ande Moskva?
...kê pe vrjama kata l' 1920-utne taj 1930-utne bêřš formirisarde řusijakê Řom ande južno Řusija peskê kolektivni farme aj vuni šêla Řom trajinas kote?

✍ Tumari bući

Rode joř aver vestome taj ašunde manuša kata publikako trajo, save ankliste kata Řomengê taj Sintongê familije!

📷 Paj fotografija

O Aleksandr Baurov ande l' 1960-utne bêřš. Privatno kolekcija kata o Nikolai Bessonov, Moskva/Řusija.



<https://www.romasintigenocide.eu/kalderasch/e>